

# वारि ओ गुरुदेव आपने बलिहारी भवजल डूबत तारियो रे, Bhajans Bhakti Songs

वारि ओ गुरुदेव आपने बलिहारी,  
भवजल डूबत तारियो रे,  
म्हारा सतगुरु लियो रे उबारी,  
आप नी वेता जगत में तो,  
कुण करता म्हारी सहाई,  
वारि ओ गुरुदेव आपने बलिहारी ॥

असंग जुगा रो सुतो म्हारो हंसलो,  
सतगुरु रे दियो रे जगाय,  
शबद री सिसकारी,  
हां रे शबद री सिसकारी,  
वारि ओ गुरुदेव आपने बलिहारी ॥

जम सु झगड़ा जितिया रे,  
इण भव सागर या रे माए,  
भयो आनंद भारी,

हां रे भयो आनंद भारी,  
वारि ओ गुरुदेव आपने बलिहारी ॥

गुरु बिन अँधा जाणिये रे,  
नहीं है आत्म ज्ञान,  
जगत पच पच हारी,  
हां रे जगत पच पच हारी,  
वारि ओ गुरुदेव आपने बलिहारी ॥

‘फूलगिरि’ जी री विनती रे,  
एक दुर्बल करे है पुकार,  
अरज अब सुण म्हारी,  
हां रे अरज अब सुण म्हारी,  
वारि ओ गुरुदेव आपने बलिहारी ॥

वारि ओ गुरुदेव आपने बलिहारी,  
भवजल डूबत तारियो रे,  
म्हारा सतगुरु लियो रे उबारी,  
आप नी वेता जगत में तो,  
कुण करता म्हारी सहाई,  
वारि ओ गुरुदेव आपने बलिहारी ॥



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>